



天人五衰目不見羽脫不得息臭身燃不得自由

化儀  
心カミロソシ

如來真心終此  
方便初

首楞嚴經義疏釋要鈔卷第五



長水沙門 懷遠 錄



二明修行方便一總結前文答最初方便境者約解  
論方便竟也二叙今來意此下約行論方便也圓覺  
經中信解真證為本起因即文殊章次則依解修行  
隨根證入即華賢也下十章經正同此下經文也然  
彼有三根初通明觀行上根修證次別明觀行中根  
修證後道場加行下根修證此皆被圓機也若尋今  
經亦有此三何則如前七處徵心破心破見及破十  
八界七大性等皆了本空元如來識及四性推檢無

四性

自他共四因

生若上根利智入心成觀即會藏心苟或於茲未久  
更須此下別明止觀觀門等被之方入得非中根耶  
次後建立壇場六時行道誦持神呪等正助相兼即  
下根也今論即解之行不別而別即中根也然更復  
知前所明解未必全解行在其中今所明行未必單  
行解亦兼之但約旁正以分經也初經家總叙輕安  
者今阿難疑消心懾似得支林功德故也喜悟藏心  
即喜極故流涕恨無行法即傷歎故成悲也。二阿  
難別歎方便者梵云漚和俱舍羅此云善權方便以  
善巧方便提攜獎導出生死暗冥故云引出沈冥胡

タラシ

天竺先生

云摩尼此云如意賑給者賑憫貧乏給濟孤獨也未  
覆無明者無始至今汨無明海不遇如來孰由開曉  
初正叙含育者性具十界故曰含能隨緣變造十界  
事法故曰育彰得失者已悟為得未修為失二喻顯  
天王即天子也春秋時周室衰弱諸侯僭濫稱王仲  
尼正名稱周為天子王以別之也三正請修路本發  
心路者本時發心所修之行是趣涅槃之道路得陀  
羅尼即請一心三觀故曰總持入佛知見即一心三  
諦之理眼智開發故云知見經家叙意未自在不達  
一法界妙止觀而修名未自在又未入初住名未自

一

二

軫章忍切  
車車上前  
後兩端橫

木所以載  
人物也

昏散三病

維

在二舉義許宣二決定者三世諸佛決定須修正觀  
二法取無上果也疏初略示經意真如觀者實相觀  
也占察經中明二種觀法一者唯心識觀二者真如  
實觀實相觀理唯識歷事從理則唯達法性更無餘  
途從事則專照起心四運叵得亦名本末相映事理  
不二今經首楞嚴定體達九界即是佛界名事究竟  
然必含二種觀法如今經直觀三諦清淨本然周徧  
法界即唯達法性更無餘途即實相觀歷彼三科七  
大四生推檢無生方顯藏性即唯識觀專照起心四  
性叵得也此二種觀法皆是圓修但發軫有異分二

清淨

種也今觀如來藏體清淨本然周徧法界故云真如  
觀也然復應知止觀通于大小權實若在今經即是  
圓頓止觀仍通五即初心雖則雙學未能相即名為  
隨順即名字止觀修成法介相即名為俱運即觀而  
止即一止而三止全止為觀即一觀而三觀非三而  
三體即一故不一而一三義宛然三一互融方成一  
妙止觀以止止散則無法而不察以觀觀昏則無昏  
而不朗此止觀成即是觀行相似止觀若眼智開發  
諦觀一如法界獨朗名真三昧即前云我以不生不  
滅合如來藏下云生滅既滅寂滅現前又云從聞思

修入三摩地此分真究竟止觀也切所依賴者一切諸佛皆以止觀而成正覺也下云過去諸如來斯門已成就云初止起隨順行者了法皆空起無相行順寂滅理因心果心悉無相故向理心絕是相皆泯也如衆器入於炎爐混而為一也止一切境界者唯心之外更無一法可得也奢摩他是止結云觀者顯即觀之止也然止觀俱以觀結者蓋顯旁正也天台云斷惑之時觀慧為正止但旁助未盡云惺惺為正寂寂為旁皆此義也二觀煩惱根元者欲要斷除先須識知分齊一一明白方能破斷如人捉賊須知賊之

明白

斷

居

居處面貌等方可捉獲初標義勸因地發心者即最初行所依心即初起覺悟也起信云覺知前念起惡故能止後念令其不起即制令此心成不生滅與果相應也二約義顯非普賢觀者即觀普賢菩薩行法經也既云因果皆是實相豈得以生滅為因心耶初舉喻總彰生滅疏妄心如器等即暗立比量也應云妄心是有法定是壞滅為宗因云以是目緣所作性故同喻如器世間異喻如虛空又云真心是有法定壞滅故為宗因云非所作性故同喻如虛空異喻如器界空非所作故無壞滅然今云空無壞滅且約一

無

五

一

劫濁

期不隨物有凋變故也如下云一人發真歸元十方  
虛空悉皆消殞即非究竟不壞也初示其濁因堅相  
為地者髮毛爪齒皮肉筋骨等四纏者經云二上二  
下即交纏也由此四大交纏故分一真成六根也為  
覺者鼻舌身也為察即意根也二喻其濁相真妄等  
性相違背者真本清淨寂無相故妄唯涂汙相老別  
故初劫濁汝見虛空者見即妄見虛空即無明徧迷  
法界所成也成住壞空各二十增減從十歲時百年  
增一年增至人壽八萬歲從百年減一年至人壽十  
歲名一增減云意云雖長亦不離時分所攝非劫末

見濁

之劫濁者揀異三災壞時劫濁也尋常所論見以五  
利為體煩惱以五鈍為體眾生但覽見慢果報立其  
假名也命以連持一期色心為體催年促壽只命劫  
但四濁聚在其時名劫經云劫濁亂時眾生垢重今  
此但取妄初起時名為劫濁即業轉也二見濁搏聚  
也依六觸因緣生六受境有違順等別故一一受有  
苦樂等不同四大本非留礙由見聞覺知擁令留礙  
妄見本非六根由四大旋伏令成見聞覺知也由斯  
交織諸相炳然見境領納故云見濁四微形相者色  
香味觸也三煩惱濁意識誦習者意識緣三世境也

須知

獨散不對  
前後而緣

今生

能分別識性從見聞覺知所發故云性發知見所分  
別相從六塵現故曰容現六塵離六塵無所憶識誦  
習之相故曰離塵無相離見聞覺知無能憶識誦習  
之性故曰離覺無性六識分別三世徧緣者意識能  
緣三世依正之境復能執受憶過去境即獨散意識  
緣落謝塵識現在塵即明了意識隨前五所取緣現  
量境誦習未來即未形非事預思念也即獨散緣比  
量境想豫所取之境亦有六想擾亂真性名煩惱濁  
前四塵即二障煩惱也四眾生濁行以遷流造作為  
性若以妄情所著唯惟久住世間業行變移巡環諸

命

界故曰遷流國土行者六思思即業也業具善惡不  
動等別去動被業牽住留但情執情業相參故云交  
織五命濁元無異性者總報之主唯一本識故云無  
異六塵隔別見聽爰分根塵異故識乃分離取六塵  
境性中相知者唯一本識為體故用相背者眼唯了  
色且不別聲等故曰背也命是報法者由前世業法  
之所感故遂有脩短之殊夫受身者由命煖識三不  
相離也命即氣息報風連持不斷色心可久命不連  
持色心則變煖即遺體之色識即心主也同異失準  
者同不定同用相背故異不定異性相知故業繫苦

相者即果報相也。由業繫縛妄識受苦樂報也。初勸  
揀妄依真遠契者。凡聖因果懸殊。故云遠先當擇去  
生死根本者。生滅妄心。即生死本。圓滿湛然無生滅  
性。即常樂本。然無生之心。亦非遠求。但了一念。即是  
藏性。三千具足。咸空假中。離一念外。更非別有真心。  
可得方是妙行之基也。雖云擇去。但能體達現前一  
念事理相。即即真修本。斯則體達名擇也。初正示用  
心。以湛旋者。湛即定也。旋即伏也。以定旋伏。虛妄動  
亂之法。成本真性。故曰伏還元覺。若得此性。為發覺  
心。即可修證。取常樂果。境界不生見聞不起者。若無

天台通杭頌  
天守囉  
地守囉  
七星如影  
向具山一會  
儀致未散  
過去天台  
惠思一觀  
音并具山  
一會之內

境牽分別自息。由澄諸念等者。由定澄寂。諸雜念慮  
則覺知妄識。煩擾動亂。動亂纔息。寂靜妙慧自然發  
生。故曰靜慧發生於中。顯現者於觀心中。現也。舉喻  
貼釋。一切變現者。水澄則萬像斯鑒。真證則現用自  
在。寂而常照。法尔如然。然亦兼觀行相似。如天台智  
者。觀行位人。於大蘊道場了了見於靈山。聽眾儼在  
目前。但以出觀有間。故也。永斷無明之言。通分真究  
竟。分真言永斷者。揀異伏惑未斷也。初標義。總勸先  
止後觀。法應如是者。圓人雖則止觀俱運。不別而別  
則止。伏觀除法。爾如是。以止如縛賊。觀如殺賊。故又

少  
三



初心學時未能相即法亦止先觀後功成之後自然  
寂照常俱然亦隨機其或昏沈多者亦通先學於觀  
故知初學乍先乍後不妨大途但期功成相即為要  
耳小乘亦說止觀齊修不應便是圓頓無明發業者  
分別無明也由無明故即發諸業即十二有支中無  
明支也愛取即貪惑也六識能作者六雖通作第六  
正作前五助作第八能受者八為緣報故受善惡報  
也又能納受善惡種子故初正顯六根六塵為煩惱  
本則不能知虛妄根塵者不知煩惱本即便是不知  
虛妄根塵也以是煩惱處故光明云六入村落結賊

所止云何降伏者賊處不知云何捉獲初釋名辨相  
眾生世間者眾法和合中生故曰眾生即假名世間  
器界即依報國土五陰即實法世間二簡位方定上  
下無位者指著上下莫非皆是四方之上下無別上  
下也中無定方者四維也維角也維在兩方相接之  
中間本無定位如東南維若以東方南方奪之即無  
維之正位可得其可定準者唯四方也三變成功究  
轉十二者以世涉方方皆具三世三四即成十二  
也以方入世世世皆具四方即四三亦成十二也亦  
可四三是結數意云若將三世涉於四方即方方具

西始一曰者  
石教始教  
大系終教  
田大系始教  
大系田教  
始教通教  
竹中取分教  
則別教也  
故云西始也

三世即有四箇三世故云宛轉十二疏三初指古釋  
經公資中金陵皆有義釋又證真妙以方世相涉為  
一疊又十二中一一皆具十善成百二十為第二疊  
又一一善皆具性相體力等十如是成千二百為第  
三疊又碼碼以兩始一圓釋之二明今意今云六根  
取境有千二百者方六根取境不離三世具足一念既不過  
三世三世之境不離四方由是方世相涉任運世數  
有千二百以為取境功能之極數也今疏祇將算法  
之喻為能表法今取境之數成千二百是所表也何  
故祇三變止二百耶以約三世論變故也以輪迴之

經文

一百十四直  
律歷志各一  
十二也百三  
十七也百三  
也聖文異  
配三世也

法不出三世以世涉方既成十二即第一疊約圓數  
變第二世法今成百二十第三一變自然成千二百  
國清慧光大師以世涉方成十二次約每方三世各  
具九世謂過去過去過去現在過去未來現在過去  
現在現在現在未來未來過去未來現在未來未來  
三世既各具九即每方三九成二十七世加本母三  
即每方各具三十世四方成一百二十次每方三十  
世中一一各具九世成二百七十世加本三十每方  
即有三百四方成一千二百一十百千出律歷志云  
當為百千者現未也三顯異同彼約持經功德是圓

教相似位人因經之力有勝根用未發真故猶名肉  
 眼雖稱肉眼有天眼用故見大千內外彼有二釋一  
 約三業安樂行有十善一善具十即成百善每善具  
 十如是即成一十又兼化佗即有二十約如來室衣  
 座各二千即成六十二約一心具十法界界皆有十  
 如即成一百六根即有六百約定慧莊嚴即千二百  
 根根皆悉由定慧二嚴故各千二百也有優劣者顯  
 其能盈能縮能盈故千二不為多能縮故八百不為  
 少盈縮自在不可數局也今明凡夫取境虛妄功用  
 故名功德然迷成世間用悟成出世用迷悟深淨雖

珠皆本具故也二約優劣別示初眼根前方全明後  
 方全暗左右旁觀三分之二約疏注成圖子令人易  
 曉



每方二百全每維二五  
 十見不見以圖子照之  
 左右旁觀三分之二合  
 云三分之二半以左右  
 各見二百五十故蓋經  
 文略舉全數故也

二耳動若通送者耳取動境似有近遠其實無遠近境使之然三鼻關中文者出時不能入入時不能出故關一分五身合有違順離但捨受故曰離一合變六意默容者但比變生解也下云意如幽室見徧緣十方三世出世法故曰容容即含攝也三性者徧計依他圓成實也或小三性亦通三令簡圓根修證初總勸詳擇反窮流根者窮到欲流之根本即三諦妙理是流之根或即真流義通淺深根即唯究竟也六受用根者受領六塵造作善惡之業也誰合者須境與根合方覺知也鼻舌身三並合中知眼耳意三

沙塵凡婦  
所成固

擊却者罕里  
四方穿地三年  
一度徒覺天女  
子入滿坑  
乃一却又盤  
石却在

是離知也深即意根造業最深淺即前五眼鼻身為不圓通據下文殊料簡唯耳根為圓通也二別示功能織妄業流者空見相織結成根塵造虛妄業也日劫相倍者圓根一日修習勝不圓根一切也三許為發明六湛圓明者約本說元依一精明分成六和合也發明者隨汝所欲之根我即為汝開發明示令汝軌則修之取上果也四須簡所以一一修行皆得圓滿者妙智修之無不獲證何煩簡擇下云順逆皆方便自在慧者實相智也此智照法無不真實不為物拒故云自在初申請兩難意問六根若實一體不合

更有六根之異若六體別云何入一餘皆解脫一況  
顯未亡法執須陀洹此云逆流即初果斷八十八使  
見惑也見所斷者見道門中所斷也修所斷者修道  
門中所斷俱生惑也何况下正况自乘根中修惑尚  
在况此根中根本無明分齊數量耶生住異滅即微  
細惑不達一法界性謂六謂一即微細法執初破一  
履行也奚何也三結非一終六者亡一存六也非六  
終一者亡六存一也一六俱亡方為至說以圓常性  
中本非一六故曰終不汝根元一元六或可意云不  
應言非是一終是六亦不可云非是六終是一一釋

有字在元色

成非一非六者約名約體俱非一六一以對六而稱  
六亦待一而立一六相形名言周息體則不當是一  
是六而亦能一能六寂照同時擬議叵及執一者聞  
說解六根結又執六根是一體性四流一見二欲三  
有四無明雖得六銷疏中三解初六根雖亡一體實  
有次境空故六銷根有故存一三惑亡故六銷執理  
故猶一初眼由明暗等二種相形者妄見初起明暗  
未形此約惑性真具說也向下見精映色方彰明暗  
之相也粘者和合執著之義由妄執故動覺湛性發  
成妄見也見精即第八見分最細故曰精色即第八

相分由能見故境界妄現由相織故結成六根覺明  
相雜者強覺影明也清淨四大者深中說淨也能照  
境發覺有增上勝力非同深礙麤相故曰清淨眼體  
者眼謂勝義體即浮塵即勝義所依之體也浮根奔  
色者即勝義在浮塵中流趣奔色也舌根恬變即動  
靜也身根疏二具八法者能造地水火風所造色香  
味觸然根根皆具八法也意根疏以六根等四句是  
作比量成立意根亦是色法也以經文云根元目為  
清淨四大故應云意根是有法定色攝故宗因云以  
是六根中隨一攝故諸所攝根皆色法故同喻如前

五根前五二具八法是色法故意根亦具八法亦應  
是色然此下總結示初結由發現有明明覺者本有  
真明之明覺非滿慈所執之明覺也既執所明性明  
即隱故云共彼精了下云所立照性亡或可有明指  
真明覺屬妄謂本有性明故妄執影明妄覺也六根  
皆有照用故云發光三正示入一之門隨拔一根者  
但於六根之中隨除一根繫著達見性海餘皆一時  
解脫不循塵境即脫粘也反照心性不起妄用故云  
內伏歸真元發本明曜者既能反照不已即破無  
明三諦開發智光自顯也曜性發明者理智俱發也

香巖童子  
自連化竟

一脫圓消者一槓見性諸根徧旋也初略標示不由  
等者不逐緣生不田境起即本性知見也疏意云不  
是因前塵所起妄知見也明不徧根者明顯發也此  
本性知見不從六根顯發但是寄六根而顯發又明  
者性明也此性覺真明寄根發也互相為用者根根  
皆具六用也二約人辨用四大淨色者修觀繫緣四  
禪四大淨色觀成從肉眼處發也言半頭者大論云  
得天眼人中最第一者阿泥盧頭色界四大造色半  
頭清淨佛天眼四大造色徧頭清淨是為老別頭分  
也云見障內外者障內障外所有細色無不見也為

日月星

目連化竟

目連所降者佛欲上天此龍吐黑雲暗霧隱翳三光  
以身繞須彌七匝尾排海水頭枕山頂目連化龍繞  
十四匝尾出海外頭枕梵宮龍噴雨金剛沙被目連  
變為輕軟寶花又被化細身入龍身內從眼出從耳  
入等鑿齧其身於是降伏天堂來者因張騫尋河源  
至崑崙山見仙靈所居謂是天堂便謂此河從此山  
出故翻天堂來無熱惱池者阿耨達池也此池在南  
瞻部洲從中向北有九黑山次有大雪山次有香醉  
山於雪山北香山南有此池廣五十由旬八功德水  
充滿其中於四面各出大河東名殑伽河繞池一匝

流入東海南信渡河西縛弱河北徒多河各流入海  
既為風質者主空之神如風之無形也亦可風字筆  
誤應云空質隨其所主者所主空既無礙能主之神  
亦無相也久滅意根者已斷見思不起三界惑染故  
圓明了知者圓明之性周徧了知一切境界不假緣  
慮故曰不因心念修意不同者大乘作求功德想小  
乘作止息想盡染分者留淨分不斷要持種也修得  
即那律迦葉牛呌餘乘業報若約實說三人俱是發  
真二就法融體內瑩發光者自性用顯也如是浮塵  
者指有情世間也器界即無情世間變化相者情無

情類皆可變壞也念除即覺故曰應念化成也疏斥  
謬解無情不能起行者此不了萬法唯心一切唯識  
依正平等同是一念念即全真豈有不成之理若謂  
不成何異待花結果三舉事例顯若今急合等者雖  
急合其眼若以手摸一一了知是頭是足等故知不  
可云見在眼也或約二人謂一人急合却眼並不見  
他人頭在何許足在那邊以手捫摸一一了知故云  
頭足一辨一辨者一一明辨也四指妄結真緣見因  
明者緣生之見須因明有不假明境為緣自性所發  
之見故曰不明自發初舉果常住不壞者簡權



蒙悟者易困  
卦當六四六  
陽七餘陰  
賢男下陽  
愚下女下  
六四上下皆  
愚也

宗也彼說大圓鏡智菩提皆是有為四智心品所成  
不能即理今皆常住豈同彼那離倒圓成者遠離徧  
計依化之倒執即是圓成實性也三進退成疑循環  
者進退推尋似環之不絕然終不見常心可得四結  
難求示蒙悟者蒙暗也悟鄙也易曰困蒙吝二問答  
所以中斥成矯亂者問聲問聞但隨言答並不決定  
不體聲自有無聞性元無起滅故被斥成矯亂也初  
破其執斷知有知無自是聲塵或有或無者分別有  
聲無聲自是境之有無非是聞性有有無也誰知無  
者者聞性若逐聲謝將何為知知無聞性耶若有知

性知無聲境驗知聞性不曾斷滅結斥垂勸聲聞無  
辨者於聲於聞不能甄別誰生滅不生滅也一引睡  
人中睡人應無聞性者今舉睡人以驗聞性不滅若  
作喻說須是睡人全無性可得也今顯人自或睡或  
寤聞性不肯斷滅睡尚不曾暫無豈可無時却有斷  
滅耶二例死者命光者命存則六根發照命謝則諸  
根閉塞又命在則息風恒起今謝即息不連持故曰  
命光三結序迷倒不循所常者不須所有常住妙性  
也三結勸中光常者本性智明顯也法眼者照十界  
法皆實相也障翳般若者智明不顯全明作暗也

下此

入第初述已猶迷生之與死不離無明故曰俱滅俱  
 生隔日瘧者已除我執如好日未除法執似發日全  
 界無明者通指五住惑也即根本枝末總含故曰全  
 界二障見思者煩惱障為界內見思亦名通惑所知  
 即界外見思此根本無明亦名別惑也名破煩惱障  
 者分破也尚有八十一品思惑二請示結解免輪迴  
 者二死輪迴也三有者細分二十五有然有界內界  
 外三有若祇斷界內與小不殊初世尊摩頂將來眼  
 者眼能照了喻智能達俗證真手喻智頂喻理智會  
 理時無明即明諸妄咸泯又頂喻無明欲破無明根

六種震動

結必須智照也二諸佛放光六種震動者表破六根  
 也即動踊震起孔擊搖颺不安名動墀墻凹凸名踊  
 隱隱有聲名震自下升高曰起碎披萌磕若盡發響  
 名吼打搏擊物名擊然各有三直動名動四天下動  
 名偏動盡大千動名等偏動餘皆例此云疏初正釋  
 本文諸佛標示者即十方佛同說六根縛脫也此佛  
 釋成即釋迦釋成其義也即十方薄伽梵一路涅槃  
 門也二問答四度放光初如來頂上放百寶光光中  
 出生千葉蓮華有化如來宣說神呪此說秘密首楞  
 嚴破登伽邪心二從口放光表從說顯理經云余時

四度放光

世尊從其面門放種種光其光是如百千日等三  
從眉放表從心發見見即智也文云即時如來從身  
萬字涌出寶光其是曜有百千色徧灌十方所有寶  
刹諸如來頂等今十方如來却放寶光灌此佛頂表  
彼此道齊也三同說結根覺明初起者真覺妙明初  
起迷妄之時也又強覺影明始起時也自在解脫等  
悟之成德也安樂即樂德解脫即我德我即自在為  
義寂靜即淨德無煩惱垢染所喧雜故妙常即常德  
氣動移等者氣寒則冰喻無明故九界氣煖則水喻  
智照故唯真濕即一性無差也五佛為釋通初雙標

疏故云為縛者云當為名字之誤耳綺互相影者織  
綺之互現其紋也形必有影形存于彼影現於此根  
塵必有識識必須根塵意云根塵識三同以真為源  
縛之與脫唯一六根故云縛脫無二根塵識體本自  
空寂若空中花初起顯無性三莖之蘆交加而立故  
曰交蘆喻根境識者然有二義一外雖具相中間本  
空喻根境識從緣似有體性元空二由三莖相依故  
得成立一莖若傾餘皆不立以喻根境識三互相假  
待而立隨缺一緣三皆不成也何故得知蘆具三耶  
以根境識不可缺一故知須以三莖為喻如雜阿含

云摩訶拈締羅告舍利弗知者因譬喻得解譬如三  
蘆立於空地展轉相依而得豎立識緣名色亦復如  
是等二別明縛脫知見立知者若於見聞覺知定執  
實有見聞覺知即生死本斯則無同異中熾然成異  
為物所轉故於是中觀大觀小不二門云三千在理  
同名無明若能體達見聞覺知本無見聞覺知可得  
即是涅槃斯則若能轉物則同如來歎即菩提勝淨  
明心本周法界等無明即明也不二門云三千果成  
咸稱常樂偈文初標舉相望五對者經云是名妙蓮  
華金剛王寶覺偈中有長行無偈云迷晦即無明發

明便解脫即略長行云知見立知即無明本知見無  
見斯則涅槃是廣長行先說根塵同源縛脫無二後  
說相見無性同於交蘆偈中先說中間無實性是故  
若交蘆後說解結同所因聖凡無二路偈云解結同  
所因是合長行云汝欲識知俱生無明使汝流轉唯  
汝六根更非他物汝復欲知無上菩提令汝速證安  
樂解脫亦汝六根更非他物即離也偈云結解同所  
因等即隱長行云知見立知即無明本知見無見斯  
則涅槃即顯初比量正破上二句一量破有為下二  
句一量破無為意云一真性中遮故三諦俱泯故有

為無為悉皆亡遣又破有為顯即俗之真破無為顯  
即真之俗不二三諦圓融方為秘妙疏三初略標示  
執為無為實有體者若執有為是實有此不達法空  
即若不見般若則被般若縛若執無為是實有即若  
人見般若亦被般若縛也二別解文真性有為空者  
此顯如來藏體本空有為之法也通第二量轉者真  
性之言貫下無為也量云真性有為是有法因明家稱此為  
前定元空故為宗此名後陳應合云空即有因云從  
緣生故同喻如幻事然有今古二合若於同下便合  
因云從緣生故諸從緣生體即空故同喻如幻事此

從緣生考因  
緣生法我  
說即是空

名今合若陳那已前古師合即於喻後合云幻事從  
緣生幻事體即空有為從緣生有為體即空云次量  
例知標揀分明者既標真性即顯非是權小及外宗  
教中作如說故不相違也然準因明家說真比量宗  
上須離九過一現量相違如云聲是有法非所聞性  
為宗世間共許聲是所聞却二比量相違餅本無常今却云常  
云非所聞性故相違也  
故相違也  
三自教相違如佛弟子立四世間相違如說懷  
兔非月有世間盡知月中有兔今反言非有故相違

少五  
二

五、自語相違如云我母是女六、能別不極成如佛弟

子對數論立聲有法滅壞宗聲雖共許能別滅壞七、

所別不極成如入正理論曰數論師對佛弟子立我

有法思為宗思雖共許我即不許小已破我故也八、俱不成如勝論對

佛弟子立神我法和合宗神我和合成佛弟子俱不許故九、相符極

成如云聲有法所聞宗人皆許故即符他也

因有十四過因須兩家共許方能成立未共許宗一、兩俱不成如云聲

是有法無常宗因云眼所見故彼此俱不許故二、隨一不成

如佛弟子對勝論立聲無常宗因云所作性此所作者

難許敵者不許三、猶預不成如疑煙是霧等既不決定即不能生敵者智也

四、所依不成前陳有法是因所依性故如勝論對經部師立虛空

實有宗

經部不許虛空是實有故

五共不定

若立因於同異品上皆有名共不定

六

不共不定如立聲有法常宗因云所聞性同喻如空

異如餅

喻所聞性於同異品上俱無則不能成聲上常等義也

七同品一分轉異

品徧轉如云聲有法非勤勇所發宗因云無常性同

喻如電空異喻如餅

無常性於同品電上有空無於異品餅上却徧有

八異

品一分轉同品徧轉如云聲有法非勤勇所發宗因

云無常性同喻餅異如電空

無常性於同品餅徧有於異品電有空無

九

俱品一分轉如立聲常宗因云無質礙故同喻虛空

極微異如餅樂

今無質礙於同品空有微無於異品上樂欲有餅無

十決定相

違如云聲是所聞性

但自成得常宗決定違於所作性無常宗

十一法自

相相違

常無常是相違

如聲常宗因云所作性同喻如空

此由

因不分云所作性  
故類宗成相違也

十二法差別相違

詮言為自相詮  
言外各自意許

名差  
別

如云眼等有法必為他受用為宗因云積聚性

故喻如卧具

此數論對佛弟子意欲成立神我是常  
能受用眼等根若立神我為有法以佛

弟子不許有神我即犯所別不極成故矯立云眼等  
為他受用他即神我意許神我是實有積聚他受用眼  
等是假我無積聚用既不許後陳眼等有  
積聚即無同喻也以卧具是有積聚性故  
十三有法

自相相違

此勝論師立六句法第四名大有是一是  
常能有實德業三法五項弟子不信別有

大有體意云實德業便是能有豈更  
有大有體此以有性非有性為相違

立云有性是有

法非實有宗因云有一實故喻如同異性

意道唯有  
實等一實

十四有法差別相違

師見弟子不信離實等法外有  
性乃不離彼一實因立作有緣

性成立有體意道有是境能牽生心性  
所有心即有之性也其弟子申能違量云

有性是有



法非有緣性宗因云有一實故喻如同異性師意許性屬大

有弟子意道境當體是性此同喻五一能立法不成以有緣性非有緣性為相違

如聲論對勝論立聲有法常為宗因云無質礙故同

喻如極微極微雖常奈有質礙聲勝二師共許聲無質礙故不成也二所立法不

成如云聲有法常宗因云無質礙喻如覺覺即心心所法雖無

質礙於所常宗即不成以心心所才生即滅故二俱不成如聲常宗無礙因

同喻如餅餅有質礙是無常故於宗因俱不成四無合無配合也五倒合若合

云諸無常皆所依故即倒應異喻五一所立法不遣云諸所作皆無常故即不倒

如云聲常宗異喻如微塵微塵是常於宗不遣也二能立法不

遣如立聲常宗無礙因異喻如業彼計業無質礙故於能成不遣三

俱不遺如云聲常宗無質礙因異喻如空

空於宗不無常性於

目不無無礙性 四不離 不離是不相屬著義

如云異喻如空見常性故

有無礙性 合云空若是

五倒離如云諸無礙性皆是

常性 合云諸有常性見彼無礙

比量者藉立諸論主

能立衆相而觀義智也凡立量宗前因後者將已極成未共許也緣此三十三過起信記主備列在文

而不解釋後學以為一家難文故於彼論疏中撮要

略云之耳掌真論中取為善立者掌真論即清辯菩

薩於佛滅後一千一百年中於南天竺造中觀心論

及掌真論等於掌真立二比量都為一偈半破有為

菩提涅槃半破無為菩提涅槃清辯與護法諍於勝

義諦法然此比量對護法立則有一分相符之過以

護法於世俗勝義諦中皆許亦空亦不空若清辯總

立為空即符佗亦空破得佗亦不空故有一分相符

過也今經對一向執有以破則非過也先因等者應

云無為無有實不起似空花然此一頌或但約性宗

義消亦可言真性有為空者意云一真法界由無明  
不了妄執所明從此變生有情無情一切有為之相  
此有為法既是因緣假有即當處出生隨處滅盡猶  
如幻事一般故曰緣生故如幻無為無起滅等者意  
云一真性中菩提涅槃皆如昨夢對有為故強立無  
為之稱以不實故無無為可生可滅如同空花無起  
無滅病者妄見可耳二顯過況破言妄顯諸真者諸  
之也因言說破妄所顯之真亦即是妄以對待故故  
龍樹云若法為待成是法還成待故妄與真同虛妄  
也疏以是偏計所緣境者既執實有即是偏計所執

取故非正智真契也故圓覺云種種取捨皆是輪迴  
二頌中間無實性者根境識三和合似有自性元無  
故如菱蘆不實也同所因者即六根也能因即結解  
也或所目即一真性也將何遣有者汝觀妄如之性若  
有實體則可用無以遣之既無所遣之有亦無能遣  
之無三頌生起下文入流即亡境照性也下經云由  
我不自觀音以觀觀者四頌無明習氣三位者一是  
我愛執識位即通一切凡夫二乘七地菩薩破此位  
時斷滅異二相生住異滅二善惡業果位通凡夫二乘菩薩造  
善惡因受異熟果三相續執持位通一切眾生乃至

玄粹三義於  
八識三十一名總  
有五分三位

諸佛執持種子起現行故習氣種子也五頌遺幻非  
幻不取即不分別也非幻即真也若執有非幻即是  
存無也六頌讚法今歎妙蓮華者妙即法蓮華喻也  
妙者中道正觀不著二邊垢染似蓮華開敷不染泥  
水又喻妙觀所顯諸法實相永無九界之染似花開  
蓮現也寶覺者性覺真空能破微細無明如金剛之  
摧物妙假體虛猶如幻事此三即絕待靈心觀泯相  
澄神觀起幻消塵觀如次配上三句即一體而有三  
義三一微妙即首楞嚴定三智三諦也超無學有三  
義初則一念不生便超因位直至果海次從然至覺

時亦無自果是泯絕果相故名超三亦是下顯速疾  
故名超對向者智冥理時也自在者於十界中得自  
在故熾盛者熾盛智火燒煩惱薪故端嚴者諸根相  
好皆無邊故名稱者有大名聞徧法界故吉祥者生  
時九龍吐水七步乘蓮寶樹低枝金河輟浪尊貴者  
十界中尊德無過上也初叙慶所聞伽陀即孤起頌  
祇夜即重頌二正陳疑意結無前後者一念不了六  
根頓斷故無前後解亦不倫者了之即真更何倫次  
一結巾初問涅槃僧此云內衣正云泥縛些切桑箇那  
此云裙攬七寶几者攬猶倚也劫波天即鬻髻天四

優書

天自尺去丈  
就尺去尺就寸  
夫十八東天十  
二入寸五陰  
言置六根先  
徒二根後行  
六根解脫

王太子所奉也。疊者布也。汝曹者曹輩也。史記曰：十  
餘曹循之云。曹輩也。意問初結可名為結。第二三等  
何以亦名結耶。初問答六結。亂名者既妄成六六用  
不同故不可亂也。然此意顯六根既殊必有優劣欲  
依反本須選圓根故茲問也。循顧本因者循歷也。顧  
觀察也是非鋒起者劉伯倫酒德頌曰：陳說禮法是非  
非鋒起言如劍戟之鋒刃相競逐而起也。是非相敵  
若鋒刃之相競也。意云知見立知六根妄隔是非對  
待於是紛然知見無見一六俱亡。恁時是非自然息  
矣。二點喻釋成如勞下與喻湛精明者即清真空也。

或約喻指法謂如空花之妄法從湛精明性忽然變  
起也。初二邊俱非此勞同結者大地山河生死涅槃  
等虛妄勞相恰同巾結之義。又生死等同一無明妄  
結也。右喻空者右則施為宛便若空之無礙也。非同  
世間麤相因緣者如父母為緣生子水土為緣生芽  
等知其本因者知十界法皆以實相為因。前云一切  
因果世界微塵因心成體隨所緣出者隨無明緣現  
九界隨教行緣現佛界下云從聞思修入三摩地非  
餘境界者皆實相也。皆了无由者一切諸法唯心所  
現如來已證故了法無難也。初就事問答非謂六根

親地前上地前踈地前住地前前  
薄塵沙無明  
七智七迷智也  
假空非空假也  
五蘊實法假生  
假名言了空生  
假名也五蘊

相望者非謂先解眼根次解耳根等但為六根不能  
總解須先於一根修觀斷故名次第若得一根解  
時餘根皆脫下云一根既反源六根成解脫此正同  
天台止觀去尺就寸之義二約法合顯此根初解先  
得人空等者此是圓修一心三觀圓伏五住煩惱圓  
斷諸惑但是智力有厚薄故任運惑落成前後也故  
然師云祇由亡智親踈致使迷成厚薄迷厚薄故強  
分三惑義開六即名智淺深觀審觀門亦復如是得  
人空者破見惑也法解脫破思惑也俱空不生破無  
明也又對天台三惑謂人空空俗諦破見思惑法解

實法假空五蘊實法成假也空也

脫空真諦破塵沙惑俱空不生空中諦破無明或二  
引淨名貼釋然淨名是通相三觀荆溪云解雖虛通  
就觀除惑不無前後今踈所引祇是空觀破見思也  
雖則一空一切空假中亦空作意唯斷見思從初至  
即除我想是體眾生假空從當起法想至是二皆空  
是體實法假空從得是平等至空病亦空是體平等  
假空其餘二觀更自有文眾法合成此身者陰入法  
也即是顛倒者無法而起法想也不念內外者能念  
所念也生死名界內涅槃名界外二邊皆空故名平  
等我等涅槃等者能起法想為我此我即空故云我

等涅槃為所想此所即空故云涅槃等乃至得是平等者生死有為涅槃無為二法皆空無二相異名為平等平等亦空故名空病亦空也疏云三空觀即如上所列之三空也次第觀者非別教次第但是入空菩薩然相別相而觀也總相即但體三假皆如幻化別相則分別眾生實法平等一一無謬以作出假方便自然處執先斷者此顯一心三觀圓修圓斷不同通相作意次第斷也如流衣之法心但折淨任運處者先去也三廣引修證初述解申疑慧覺圓通者蒙佛開示於一六義已得智慧開覺通達無滯也二叙

迷遇佛飄零者飄颺零落在生死之旅久背本性之鄉也孤露者禮曰老而無子曰孤少而無父曰露何心何慮預佛天倫者我積劫何嘗心念思慮希觀佛為我兄今日天然際會得為兄弟繫辭云天下何思何慮二結願彰益還同本悟者稟言達理了妄無妄若不曾迷故曰本悟然此通名字已還疏約分真有似太局云則與未聞等者未猶無也則與無見聞覺知同也或可悟本常也雖則聞法與未聞法時其性無別故曰有何差別以迷悟性一故也道成之言亦該四即云四請示法門退藏密機者機即動也易曰

機者動之微也吉凶之先見者也即靜心受法也冥  
 授者望佛冥察我心而授與法門也二如來詢諸聖  
 衆從口生者從佛八音四辯言教生也從法化生者  
 因佛法故革俗從真化凡成聖也得佛法分者受佛  
 氣分也總攝不離十八者七大亦根境識如前說初  
 陳如三初遇佛後悟屈目曰叱阿藍摩此云雞園即  
 無憂王初信佛法時建此精舍其先者其先祖也三  
 轉等如前說妙音密圓者達音聲性微密圓妙常住  
 周徧也音聲為上者了唯聲法門離聲更無一法一  
 切法趣聲也餘皆似此二凡沙陀回觀微塵見塵實

性故名塵性觀不淨相者於依正生貪故作此觀對  
 治謂多貪衆生作不淨觀也此即九相謂脹想青瘀  
 壞血塗漫膿爛啾散骨燒等然有大小廣如禪波羅  
 蜜中又如十相中不淨觀總有五種不淨如上記如  
 是觀已即不計身尊貴恃已凌佗也一觀成得道白  
 骨微塵者白骨即九相中白骨觀也復析此白骨歸  
 空也骨鑠者觀一身從眉間一點白骨漸至一身皆  
 成白骨等即能對治形色顯色威儀貪等二重指釋  
 成真善妙色者即三諦也真故非色善故即色妙故  
 非色非非色三義一體即如來藏三番嚴童子因香



發智即以智定之香莊嚴法身也童子者即證三德  
 之後直至等覺皆名童子於三諦法喜不生染愛如  
 世童子於一切女色心無染故宴晦者宴然安靜於  
 晦夕之時也四藥王梵云俾沙周羅那此云藥王昔  
 名星光後於尊者日藏所聞說佛慧以雪山勝藥供  
 養眾僧願我未來能治眾生身心兩病舉世歡喜號  
 曰藥王又於藥於病得大自在了味法界故曰藥王  
 將來成佛名曰淨眼時弟名曰電光見兄發菩提心  
 身心歡喜即以家中醍醐及諸上藥施僧及一切人  
 以上妙藥得上氣力亦聞上妙法藥故因是名為藥

思  
 毛  
 細  
 毛  
 布  
 七

上將來成佛名為淨藏分別性用者知藥性冷熱及  
 病之所宜用無虛也非有非金石草木等物上有也  
 五跋陀賢護者賢善也善能守護令安不起妙觸發  
 明也中間安然者中間之水安然無為從茲見水實  
 相也六迦葉正云摩訶揭波此云大龜此人上古修  
 道感龜負仙圖而應之名畢鉢羅者樹名因禱此樹  
 而生也妻名婆陀其家千倍瓶沙王畏勝故唯有九  
 百九十雙金牛犂最下細疊直百千兩金以丁釘之  
 入地七尺豔不穿破身被無價寶衣截為僧伽梨衣  
 奉佛此人頭陀少欲第一此人涅槃之後所有衣鉢

之餘貨賣祇直三錢時天帝釋以千兩黃金贖將上

天供養緣起如常者此紫金尼即昔為貧女捉得金

珠往鍛金師所打金貼佛二人發願願我世世身常

金色共為夫婦經出別緣者常說事火身有光明吞

飲日月等云第五卷下初那律樂見照明者深忍樂

欲發於智明照了一實境界破無明暗故曰照明金

剛三昧即首楞嚴定如意者亦云無貧過去因施辟

支佛飯故得世世無貧受如意樂無滅者昔獵師入

佛鹿中以箭挑燈因果不亡今獲天眼精真洞然者

照窮實際也即不以二相見諸淨土也二樂持百日

阿那律  
文五之下

樂持  
虛

樂持

教一句者兄見其弟誦之不得乃謂弟曰若不能誦

何不還作白衣樂持聞已詣祇桓門泣佛問具答上

事佛云成菩提由汝兄佛即以手牽詣靜室令誦守

口攝意身莫犯如是行者得度世誦得上口佛曰汝

今年老唯誦一偈不足為奇須解其義所謂身口意

十觀其所起察其所滅由之生天由之入淵由之得

道菩提自然因此心開得羅漢果蛇奴者母與奴私

通走逃他國於路中產一子名路邊生思鄉旋歸於

路又生一子因此名奴過去曾生蛇中今得人身身

猶似蛇又云禱蛇神以生也五百弟子本起經云我

昔放猪驅令度水以繩繫口猪不得喘中流皆死故  
招暮暗數息者坐時鼻中息風出入若覺有聲曰風  
雖無聲若出入結滯不通名喘雖不結滯而出入不  
細曰氣須是不聲不結不麤出入綿之微之若存若  
亡資神安穩情抱悅豫方名為息守風則散守喘則  
結守氣則勞守息則定梵云安那鉢那此云出息入  
息經云安之言生般之言滅即生滅息也然有約息  
約心異之若以息為門則但通行心至四禪四空四無  
量十六特勝通明等即世間禪若以心為門即用智  
慧反觀自性能通行心至法華念佛般舟覺意首楞

憍梵

嚴諸大三昧自性禪乃至出世間上上禪等今見息  
實相約心明矣三憍梵鉢提口業者昔日師年老喫  
食遲鈍云我師喫食如牛噉草故招斯報此人為口  
相不善恐衆生譏笑損彼之福常居切利受天供養  
解律過於波離一味心地法門者達了所嘗之味本  
不可得能嘗之根從何而有能所既寂一味平等清  
淨實相從茲顯現滅心者心即性也能知味之性了  
不可得也大論緣異者彼說因摘一莖稻數粒墜地  
五百世作牛償侗今雖人身猶作牛蹄牛呵之也四  
畢陵餘習者因過恒河水見流急云咄小婢駐流河

畢陵

何神也

妙五  
七

神為之兩派神往訴佛佛令懺謝即合掌云小婢莫  
瞋大眾笑之懺而更罵佛言本習如此實無故心雖  
覺之痛者雖覺即雖觀能覺知所覺痛也覺清淨心  
者覺亦觀也無痛痛覺者無所覺痛及能覺痛之覺  
也雙覺者兩觀也即能觀觀慧也疏痛覺之念者觀  
痛與覺之念也淨心之覺者即淨心之觀也能覺所  
覺者痛與知也絕覺遺身者唯一覺知無身可得也  
能痛刺也五須善提空生約法說則由心達空性以  
空為行故曰空生但空即小乘偏空也性覺真空者  
畢竟中空也解脫性空者於空無著也非所非盡者

須弄

舍利弗

能非所非俱泯藥病都亡也十八界初舍利弗三諦  
因緣生解者苦集滅三諦根利故不說道諦也若約  
今經即圓三諦也見覺者體達眼識成覺湛圓明也  
三智五眼如上說二普賢梵云三滿多般刺囉此云  
普賢居眾伏之頂鄰極妙覺故稱普賢所修觀法備  
如普賢行法經三殊陀羅曼識孫陀羅此云艷艷即  
妻之美色也難陀此云喜兼妻為名者揀異放牛難  
陀是佛親弟由愛妻故不肯出家佛乞食次接如來  
鉢盛食奉佛佛不接令自送至祇桓遂令剃頭云由  
敬動故令觀鼻識也猶在方便存白相故明圓滅漏

孫陀羅

妙五  
七

者智明圓發消滅諸漏也四雷樓那四辯者法義辭  
樂也說法者一切法之名字分別無滯分別三乘不壞  
 法性義者諸法之義了了通達知一切義皆入實相  
 辭者言說名字隨其所應能令得解一切衆生殊方  
 異類男女三世九世諸教諸門聞者悉解樂說者能  
 於一字說一切字諸法亦然隨所說者無不真實十  
 二八萬隨根所樂而為說之隨說法淨等皆唯談實  
 相名說法淨機緣既淨能說之人智慧亦淨說法之  
 人智既增惑轉消心深顯也五波離疏蓋以初雖隨  
 佛後方得度者通難也既云親隨侍佛合先得度何

以先度五比丘耶答意云初雖隨佛緣未熟故如來  
 知時知機後方得度身心寂滅者大乘持戒身心等  
 持也四儀即行住坐卧也二百五十即一千三聚即  
 攝善法戒攝律儀戒攝衆生戒七支即身殺盜婬口  
 妄言綺語兩舌惡罵一支三千合成二萬一千四分  
 即貪瞋癡等分共成八萬四千也性業者本是罪亦  
 曰輪王戒亦曰舊戒佛未出時王已制故紀綱者網  
 上大繩曰綱綱舉則目整也六大目連意識尼拘即  
 因禱此樹生也木瓜林等亦皆約所禱神以立稱或  
 因所居近之而彰名也或云木瓜癩因曾有疾以字

持地

也十方如來歎我神力者因尋佛聲至不動佛國於  
 鉢緣行眾疑故彼佛示云此釋迦文上足弟子神通  
 第一云初火頭由觀欲火為入道初門故云火頭二  
 持地造世界者即依報國土是眾生共業所造故不  
 相觸摩者既違平等唯一實相更無此彼之相誰為  
 相觸以心平則一切平故多目王請者西國若人請  
 得一人證羅漢果即生梵天故多被王請如俱舍論  
 主被王請入小果陳那菩薩在山放光被按達羅王  
 請證小果將循王請文殊空中彈指告言莫入小果  
 當為佛法而演大乘從此造因明等大乘論也三月月

光水精者太陰也從海涌現故曰浮幢十徧處者青  
 黃赤白地水火風空識此十一切處皆有故如作青  
 想一切處盡是於青然但自心假想余經云舍利弗  
 新剃髮竟正身端坐以衣覆頭于時有二夜又一名  
 為害二名復害爾時復害語為害言我於今日欲以  
 拳打剃髮沙門為害云此有神德汝勿因此受長夜  
 苦時復害以惡熾盛故故以拳打打已地裂現身陷  
 入地獄今云為害經舉同時逢者也病緣者凡夫得  
 病由十因緣一久坐二食不節三多憂愁四疲極五  
 婦欲六瞋恚七忍大便八忍小便九制上風十制下

風今羅漢已離此緣也一味流通者證唯水法門也  
四琉璃光於風了知本寂顯發智光照平等理瑩若  
琉璃故以名焉無量聲者因觀風聲見風實性周徧  
無涯也遠山寶者唯須彌有此寶也欲顯無動而觀  
動者動即不動方真平等世動時者世是遷流現在  
過未遷流不停故今十方佛者今應作合意云我既  
證得本覺與十方如來所傳妙心無異下云上合十  
方諸佛本妙覺心五空藏心性如空無所積聚故名  
空藏手執四大寶珠者手即能觀智四珠即四大也  
四大明徹猶若寶珠得大隨順者十界機緣受化無

迫又能現十界身隨順機宜作利益故十身者一虛  
空身二智三業報四衆生五國土六聲聞七緣覺八  
菩薩九如來十法界然不離法報應也六彌勒此菩  
薩得無緣慈攝一切也又修慈心三昧故賢愚經云  
國王見象師調象即慈心生因是為姓唯遮境有識  
揀心無顯心不是無也一切諸法唯心所現離心則  
無一切境界之相若知心外無法則馳求自亡不從  
他來者高下貴賤得失窮達皆唯識定若分外求終  
無得理初即相無性即徧計也由彼徧計徧計種種  
物此徧計所執自性無所有次無自然性即無依他

依他起自性、分別緣所生後、由遠離前、所執我法性、  
 即圓成實性、但於彼一切法上、遠離前來、徧計之法、  
 即是圓成也。七勢至、法華經云我願世界如觀世音、  
 等無有異、思益云我投足處、震動大千及魔宮殿、名  
 大勢至、其勢力取世不違遠淨名疏云降割內外魔怨、外  
 道名、得大勢、疏不以念間者無邪念間隔也。經云一  
 心不亂是也。此下入五觀音返聞真實證者返觀、  
 聞性悟真實相也。意顯餘聖所修多、從權入、唯有此  
 門、始行便修圓實故也。今以觀音最後說者、凡有三  
 義一、以圓通義廣正是此方便、宜故備顯修證之門、

ハカアイヨシウノヤリ

廣演化儀之相也。二是慶說相繼、意欲觀音說後、即  
 便慶讚、以表正讚觀音、旁兼餘聖。若於那律次說、若  
 不慶讚、不彰觀音最優。若便慶讚後說諸聖、應非故  
 留後說。即慶讚正旁自然著矣。三教揀連環觀音說、  
 竟便敕文殊、料簡連綿相接、事無斷絕故也。初遇佛、  
 稟教梵云阿縛盧枳帝室伐羅、此云觀自在。唐三藏  
 云觀有、不往有觀、空不往空、聞名不惑於名、見相不  
 沒於相、心不能動、境不能隨、隨於真、可謂無礙智  
 慧者矣。此全就能觀得名、觀世音、即能所合目也。觀  
 即能觀、三觀世音、即所觀三種世間一切音聲也。妙

唐古譯

宋有言多故

又有處多三

夫名



智觀之無不即空假中也故云能所境智以立名也  
天台云能所圓融有無兼暢照窮正性察其本末故  
稱觀世音自行功著化他必然十界之苦苦薩弘慈  
悉能普救斯乃自行化他俱觀世音大悲經云過去  
成佛號正法明如來授記經云未來補彌陀處然此  
或權或實若本若迹莫得而知也皆其所師者所值  
佛所修觀皆觀世音也無有一佛不以音聲化群品  
者據本說也縱有理行二經皆藉言教詮辯縱不因  
聲教自然啟悟者亦由宿昔聞教為種亦然亦是約  
此土化生佛佛皆以音聲故也下云此方真教體清

淨在音聞等二如教修觀初於聞中者始聞言教也  
入流者不隨言教體言達理返觀聞性也所入既寂  
者所達之理本來湛寂故無前塵動靜二相可得故  
曰了然不生聞所聞盡者動靜既無能亡動靜之性  
亦盡盡之聞後亦不住著思慧覺所覺空者即能覺聞  
慧之覺亦無也所即聞慧覺即思慧空覺極圓者空  
是修慧覺是思慧今空盡思慧修智深顯故曰極圓  
空所空滅者能空修慧智所空思慧境一時都泯也  
此之三慧聞則亡言達理思則言理俱亡修則境智  
齊泯即證無生故曰既滅寂滅現前若論位則聞是

名字觀行觀音思修即相似觀音寂滅現前即分真  
究竟觀音疏遠離為幻等者能遠心境之離亦即是  
幻故須離也離遠離幻者能離遠離之離亦即是幻  
亦須亡遣故曰亦復遠離二心前心難者初證曰前  
究竟名為畢竟初證實相功難成就證實之後入無  
功用過難不生自然流入一切智地也故摩訶止觀  
撥送行者但至初住耳薩婆若此云一切智反照離  
緣者反照聞性離能所緣也挾空義說者意云雖三  
觀圓修就蕩著邊挾空義說也初獲果德斷即法身  
和即報身思即解脫應身自初住去成就三身一切

初指也採  
却指及

三法無不分顯自下現應皆此二者以慈悲故現三  
十二應十四無畏令一切眾生脫苦得樂然所現應  
不離真應二身真身真作利益即十四無畏應身顯  
作利益即三十二應二明妙用中初標舉聞熏聞修  
者以三昧力從於聞根熏習修行故曰聞熏聞修入  
國土者豎該三世橫徧十方應身無量度脫眾生湛  
然應一切者由證平等理能普現身說法作利益也  
初聖身第十重陀受用身者仁王云初地名閻浮提  
五王百佛土乃至第十地四禪王王不可說不可說  
佛土現上位身者菩薩因入是水下能現佛身是迹

高若現二乘身是本高迹下菩薩現菩薩是俱下佛  
是俱高二獨覺麟角者三千界中獨一而出似麟頭  
唯有一角此觀花飛葉落觀外境之無常例內心之  
亦爾若然既不稟教何云現身說法耶答始雖自覺  
將圓必假導成故不違也若值佛出則化火焚身入  
無為界資加二位者資糧外凡加行內凡三緣覺緣  
斷勝性者十二因緣斷即證真性也流轉還滅如前  
說以集為初門者先觀無明即是以集諦為首聲聞  
即苦諦為初門也十二因緣亦四諦也無明行愛取  
有即集諦識名色等即苦諦能觀智即道諦所證理

即滅諦緣覺者緣即十二因緣聲教覺即覺悟智也  
四聲聞縮觀觀四諦者此有漏縮觀觀四諦謂初觀  
欲界若集滅道四諦每諦各具四行相即十六行相  
觀亦十六行相即成三十二行相縮者漸觀漸縮令  
觀境狹也此在中忍位作七周滅緣二十四周滅行  
初觀欲界苦諦下苦空無常無我次觀上界亦然又  
觀欲界集諦下集因緣上界集諦亦然又觀  
欲界滅諦下滅靜妙離次觀上界亦然又觀欲界道  
諦下道如行出次觀上界亦然上界道諦但觀道  
如行三不觀出之一行也此是一周滅一行也如是

漸減唯留欲界苦諦一緣。不見道十六心者。此諦現  
觀中說十六心。即八忍八智。所謂苦法智忍苦法智  
苦類智忍苦類智集法智忍集法智集類智忍集類  
智滅法智忍滅法智滅類智忍滅類智道法智忍道  
法智道類智忍道類智此十六剎那心。欲界四諦每  
諦一忍一智。上二界合觀亦各一忍一智。至道諦時  
生一忍名十五心。次生一智名十六心。滿見惑頓盡  
即證初果。二釋梵自在對出入禪支者。出入一次  
第而修。每禪皆有支林功德。梵云忉利。此翻三十三  
釋提桓因。能為三十二天主。故翻為能天帝。夜摩亦

云須炎摩。此云時分。亦云妙善觀。史陀云知足。梵言  
須洎密陀。此云化樂。即自在天。梵云婆舍跋提。此云  
他化自在。樂自樂。佗者樂自。即變化天。樂自變化。殊  
勝樂事。而受用樂。佗即他化自在天。樂佗變化。而受  
用也。二統攝鬼神對四王各二部者。東持國天王居  
黃金山。所領二部一名捷閻婆。二名富單那。南增長  
天王居琉璃山。所領薛荔多鳩槃荼。西惡眼天王居  
白銀山。所領毒龍毗舍闍。北多聞天王居水精山。所  
領即夜叉羅剎。此鬼神不令惱。久故稱護世。初帝  
王臣佐對四輪。即金銀銅鐵也。金輪王王四天下。乃

至鍊輪王王一天下粟散三皇五帝堯舜諸王為諸  
侯主也五官者殷時立司徒司馬司空司士司寇六  
官者周時立太宰司徒守伯司馬司寇司空也二出  
家在家對五星即東歲星南焚惑西太白北恆星中  
鎮星五帝者東方青帝靈威仰南赤西白北黑中黃  
大小尸羅即菩薩聲聞戒也三女主童身對曹惠姬  
者後漢時人徐令彪女名照字惠姬嫁曹世叔十九  
寡居作女誡八篇善於經籍漢明帝為馬后召入宮  
內授五經為右妃師尊而不名但稱大家初天龍藥  
叉對乳閻婆云尋香行即帝釋外藥神此神在十寶

國

山間切利諸天意欲音樂即此人身上有異相生即  
往作樂也二無酒疑神對阿脩羅亦云非天所行猜  
忌諂曲不正故曰非天田蚊未知所出腹行即無足  
以腹而行也蛇蚓之類也三人非人等雜類對見佛  
受化者人中苦樂相均故易受化度故佛祇於人中  
出世也天之著樂樂事所繫也四惡多苦不遑進修  
唯於人中云樂人修人也十四無畏初聞聲離苦不  
自觀音者由我自能不觀音聲返觀聞性故曰以觀  
觀者者下觀字即聞性也自既如是故令從觀皆得  
解脫又不自觀音者由觀世音以楞嚴妙定觀照法

卷七

五十一

界所有音聲不從自生不佗生不共生不無因有今  
略舉不自生一句以攝後三句也由斯四處推檢聲  
無生處唯照聞性本周法界故曰以觀觀者孤山云  
由我不自觀音者由我亡塵合性也自既證性即起  
化佗常觀十法界內觀音聲之衆生故曰以觀觀者  
初三笑惡國知見旋伏者由觀聞性真真實理餘根  
亦旋故曰知見旋伏下云一處成休復六用皆不成  
火不燒者知見照了如火明耀今知見既復故火不  
燒又見能現瞋瞋則生火知見復故火自不生故使  
塵火皆不能燒此並約根便宜說也然有三種火一

果報火二業火三煩惱火果報自地獄到初禪業通  
三界經云燒諸善根無過瞋恚等煩惱始自凡夫終  
至圓教等覺即五住煩惱火也由菩薩力悉使得脫  
良由菩薩深證平等法界凡有火者即是性火即觀  
世音等無有異故得即念而三火頓亡也以火即法  
界無能燒所燒故餘皆準此而知云觀聽旋復者觀  
於聽根亡塵復真也水能漂鼓有聲今既復真根塵  
俱泯故逢水難即得免害然亦具三果報水至二禪  
餘同上不說風灾者經家略也果報風至三禪餘亦  
同上斷滅妄想者總舉諸根也由證平等理即無自

住可得誰當受害二鬼獄惡賊性不能全者全暗成  
明豈有暗可存耶羅刹云可畏鳩槃荼云大形謂陰  
藏大也即魔魅鬼毗舍遮云噉精氣亦云顛狂鬼言  
單那云臭餓鬼餓鬼中勝者音性圓銷者了聲性本  
無故曰圓銷觀聽反入者反觀聽根證真實性也  
諸塵妄者根境俱寂也滅音圓聞者消滅音塵圓顯  
聞性也三三毒惡心色所不劫者隨塵取著則被色  
劫返照離塵欲從何起純音無塵者證唯聲法門也  
一切諸法悉趣於聲也銷塵旋明者體塵本空旋復  
明覺也三隨欲應求不動道場涉入世界者即寂而

照也種性不斷者佛種不斷也經云佛種從緣起是  
故說一乘男表權智男德剛健復能幹事權智幹事  
故生男也經云智度菩薩母方便以為父方便即權  
智也女德坤儀者坤即地也地能柔和承受天陽之  
氣資生萬物長養含育故表女德易曰至哉坤元萬  
物資生故以鏡智表女德也四攝名獲福修法垂範  
者自行化化也圓通本根者由從可根圓通觀門契  
入一心三諦之理故得一多理齊也我一名號與彼  
衆多名號無異者法身唯一應色則多故六十二等  
一法身也又六十二恒佛菩薩等一圓菩薩也孤山

云耳根此方最利故受道之人極多餘聖不順此方  
故入者甚鮮故稱一名敵六十二也然亦抑揚之道  
適時御物也誰入出不由戶者正顯從此根得道也  
以順此方機宜故三四不思議數有限者止三十二  
應十四無畏也然茲四不思議所化之機亦不出此  
但顯能化不思議無作妙用有若是也初現形說法  
或慈或威結上法身法身性具性善惡也或定即結  
手是解脫德或慧即說法是結目般若德爍迦羅此  
云堅固二無畏衆生由我聞思脫出六塵者由聞思  
修能轉物故不爲境縛也等悲者同體平等大悲也

四所求隨欲疏通前對觀由修一心三觀發得三德  
妙用也或可由即中故寂滅現即空故十四無畏即  
假故三十二應四不思議也初結答所問圓照三昧  
者首楞嚴定一心三止圓照一心三諦由此觀照豁  
悟本心故云緣心自在一行三昧者常一其行更無  
餘次第行也所觀理一故能照行無次第也初緣實  
相造境即中無不真實即所緣妙境繫緣法界即觀  
之止一念法界即止之觀能所尚一止觀豈異止觀  
不二境智真一方名緣心自在二寂歎得名十方圓  
明者由觀聽根達法界故故周徧十方圓滿明妙也



初諸佛文光林木演法也法法塵塵無非智體故智  
光及處無不演妙也五體放光者表餘五根一時解  
脫圓張大教者大教之網圓張漉十界魚出生死河  
至菩提岸也三雨花飾界百寶花者萬行因花莊嚴  
本有法身方彰妙果也四合國宣音山河不現九界  
依正一念全空合成一界佛界圓顯也梵摩唄匿此  
云淨讚歎即梵天音曲詠讚三寶也如陳思王作魚  
山之唄陳思王即曹子建魏武帝第四子十歲屬文  
下筆便成初不曾改每讀佛經輒留連嗟翫以為至  
道之宗極也因遊魚山忽聞空中梵天音響清雅哀

婉獨聽良久從者咸聞乃摸其聲節寫為梵唄撰文  
製音讚歎三寶傳為後式也初指說顯同前後者遲  
速也承佛威神者推功於師是禮也夫臣子之有作  
皆功歸於君父也二貼喻釋空生大覺中如海一漚  
發者大覺理也理能含容具足一切隨種種緣而體  
不變非至大耶頑空無明事空不能有不具一切  
法非至小耶如鏡與像鏡能現方圓大小妍媸青黃  
非大耶像不能介非至小耶三返妄歸真漚滅空本  
無者如漚之空若滅方知此空本不曾有起信云  
心初起心無初相即斯謂也

首楞嚴經義疏釋要鈔卷第五

級ノ元ノ天ノ一善花ノ徑ノ解

翹クワ絲シ入ニ切リ剎ノ昆ニ季ノ呵ニ瘡ノ

三致井依井山致井即供我

*[Faint bleed-through text from the reverse side of the page]*

五

五

110X  
111  
5